

| | | | |
|-----------------|---|--------|--|
| 24.07.2010. | <i>Dnevni avaz</i> Dnevni stampani medij | | |
| Naslov | Maticne celije iz pupcane vrpce su buducnost | | |
| Rubrika | Sedmica | | |
| Strana | 6 | | |
| Tema | Maticne celije | | |
| Autor | E. Halac | | |
| Povrsina teksta | 1/4 | Ocjena | |

Matične ćelije iz pupčane vrpce su budućnost

Nema nikakve štete za pacijente

Budućnost medicine je u matičnim ćelijama iz pupčane vrpce, složili su se brojni ljekari iz BiH koji su nedavno posjetili laboratorij kompanije „Cryo-Save“ u belgijskom gradu Niel, nedaleko od Brisela.

„Cryo-Save“ vodeća je evropska banka matičnih ćelija koja se bavi sakupljanjem, pohranjivanjem i dugogodišnjim čuvanjem matičnih ćelija iz krvi pupčane vrpce te čuvanjem pupčane vrpce.

Ovu posjetu organizirala je kompanija „Family-plus“, ovlašteni partner „Cryo-Save“ za BiH. Iz „Family-plusa“ pojašnjavaju da je izdvajanje i upotreba ma-

tičnih ćelija jedno od najvećih dostignuća savremene medicine. Ćelije iz krvi pupčane vrpce danas se uspješno koriste u liječenju više od 80 oboljenja, a brojna klinička istraživanja svakodnevno donose nove uspješne rezultate.

U našoj državi još ne postoje banke za matične ćelije iako se planira njihovo otvaranje. Međutim, do tada zainteresirani roditelji koji žele sačuvati matične ćelije iz pupčane vrpce svoje djece za buduće potrebe mogu to učiniti u „Cryo-Saveu“.

Kako je pojašnjeno iz „Family-plusa“, matične ćelije dobivene iz krvi iz pupčane vrpce pohranjuju se na period od 20 godina u „Cryo-Saveovim“ bankama.

Pored matičnih ćelija iz krvi pupčanika, odskora je moguće pohraniti i sam uzorak pupčane vrpce. Kako saznajemo, među zainteresiranim ima i bračnih parova iz BiH.

- Izdvajanje i pohranjivanje matičnih ćelija krvi iz pupčane vrpce na period od

20 godina, uključujući sve troškove, košta 1.985 eura. Ukoliko se majke odluče da sačuvaju i uzorak pupčanika, onda kompletna usluga košta 2.300 eura - kažu iz „Family-plusa“.

U to su se uvjerali i doktori iz Sarajeva, Banje Luke, Tuzle, Mostara, Bihaća, Brčkog, Trebinja i drugih bh. gradova.

- Posjeta „Cryo-Saveu“ donijela nam je nova znanja. Ono što je najvažnije je da

nema nikakve štete za pacijenta. Uzimanjem krvi iz pupčane vrpce i komada pupkovine i slanje na čuvanje u jednu ovakvu ustanovu ne možemo napraviti nikakvu štetu ni pacijentu, ni porodici, ni novorođenoj bebi. To su produkti koji se, inače, bacaju kao biološki otpad - kazao je nakon posjete dr. Darko Knežević, ginekolog specijalista u Sveučilišnoj kliničkoj bolnici Mostar. **E. HALAĆ**

Pohranjivanje na dvije lokacije

- „Cryo-Save“ ni u kojem slučaju ne zaleđuje krv, nego isključivo izdvaja i čuva matične ćelije na dvije fizički

odvojene lokacije, a u skladu sa najvišim standardima koje poznaje savremeni svijet - poručuju iz „Family-plusa“.



Ćelije se čuvaju na 20 godina